

**Visoka škola računarstva i informatike eMPIRICOM**

**PRAVILNIK O ANGAŽIRANJU STUDENATA DEMONSTRATORA**

Tuzla, novembar 2023. godine

Na osnovu člana 63. stav 1. tačka d) Zakona o visokom obrazovanju („Službene novine Tuzlanskog kantona“ broj: 21/21, 5/22, 11/22 i 16/22), te člana 17. Statuta Visoke škole računarstva i informatike eMPIRICOM, Senat Visoke škole računarstva i informatike eMPIRICOM na sjednici održanoj 15.11.2023. godine donio je

## **PRAVILNIK**

### **O ANGAŽIRANJU STUDENATA DEMONSTRATORA**

#### **I OPŠTE ODREDBE**

##### **Član 1.**

- (1) Ovim Pravilnikom uređuju se imenovanje, razrješenje, prava i obveze studenta demonstratora (u daljnjem tekstu: demonstrator) na Visokoj školi računarstva i informatike eMPIRICOM (u daljem tekstu: Visoka škola eMPIRICOM).
- (2) Svi izrazi korišteni u muškom rodu u ovom Pravilniku odnose se jednako na muški i ženski rod.

#### **II IMENOVANJE DEMONSTRATORA**

##### **Član 2.**

- (1) Demonstrator se imenuje na pojedine predmete radi pomaganja studentima u:
  1. lakšem savladavanju nastavnog gradiva,
  2. izradi domaćih zadaća, programskih i seminarskih radova, te
  3. u izvođenju laboratorijskih, terenskih i ostalih vježbi.
- (2) Demonstrator ne može ni na koji način biti uključen u obavljanje provjera znanja i ispita, te ne može izvoditi ni predavanja niti seminare ili vježbe umjesto nastavnika ili suradnika.
- (3) Predmetni nastavnik odgovoran je za rad demonstratora.

##### **Član 3.**

- (1) Demonstratore na pojedine predmete, uz pismeno obrazloženje predmetnog nastavnika, predlaže direktor Visoke škole eMPIRICOM.
- (2) Demonstratore imenuje Senat Visoke škole eMPIRICOM na osnovu provede procedure Internog konkursa.
- (3) Imenovanje demonstratora provodi se za cijelu akademsku godinu.

##### **Član 4.**

- (1) Za demonstratora na određenom predmetu može se imenovati student Visoke škole eMPIRICOMa ako ispunjava sljedeće uvjete:
  - a) da se istakao na studiju, te da je pokazao posebno zanimanje za predmet demonstrature;
  - b) da pokazuje sklonost ka timskom radu i ima izraženu sklonost ka nastavnim aktivnostima.

#### **Član 5.**

(1) Tijekom akademske godine, jedan student može biti imenovan demonstratorom iz najviše 2 (dva) predmeta.

#### **Član 6.**

(1) Demonstratoru se izdaje odluka o imenovanju s naznakom naziva predmeta i razdoblja na koje je imenovan.

#### **Član 7.**

(1) Demonstratori se mogu imenovati samo na obavezne predmete.

### **III PRAVA I OBAVEZE DEMONSTRATORA**

#### **Član 8.**

(1) Rad demonstratora traje tijekom akademske godine u kojoj je izabran.

(2) Demonstrator je dužan sudjelovati u aktivnostima iz članka 2. stava 1. ovog Pravilnika, uz kontrolu predmetnog nastavnika.

(3) Termine provođenja demonstrature demonstratori usklađuju s rasporedom nastave Visoke škole eMPERICOM i dužni su prije početka nastave iz predmeta na koji se demonstratura odnosi objaviti vrijeme i mjesto prijema studenata izvan nastave.

#### **Član 9.**

- (1) Demonstrator koji svoj rad ne obavlja u skladu sa preuzetim obavezama, na prijedlog predmetnog nastavnika i direktora, razriješit će se dužnosti odlukom Senata Visoke škole eMPIRICOM i prije isteka vremena za koje je imenovan.
- (2) Demonstrator od predmetnog nastavnika može zatražiti razrješenje s dužnosti na temelju pisanog obrazloženja.

#### **IV VREDNOVANJE RADA DEMONSTRATORA**

#### **Član 10.**

- (1) Demonstratoru se za rad može isplatiti novčana naknada ili vaučer za stipendiju.
- (2) Odluku o isplati i visini novčane naknade ili stipendije donosi direktor.
- (3) Novčana naknada demonstratorima se isplaćuje iz sredstava Visoka škola eMPIRICOM.

#### **V PRIJELAZNE I ZAVRŠNE ODREDBE**

#### **Član 11.**

- (1) Popis demonstratora za svaku akademsku godinu objavljuje se na Oglasnoj ploči i web stranici Visoke škole eMPIRICOM.
- (2) Visoka škola eMPIRICOM treba, u skladu sa mogućnostima, osigurati prostoriju za rad demonstratora.

#### **Član 12.**

- (1) Predmetni nastavnik obavezan je na početku izvođenja nastave iz svog predmeta informirati studente o angažiranju demonstratora i njegovoj ulozi u provođenju nastavnog procesa.
- (2) Ako na nekom predmetu na kojem je imenovan demonstrator dođe do njegovog razrješenja s dužnosti, predmetni nastavnik ili direktor može Senatu Visoke škole eMPIRICOM uputiti prijedlog za imenovanje novog demonstratora.

#### **Član 13.**

Pravilnik stupa na snagu danom donošenja i oglašava se na Oglasnoj ploči i web stranici Visoke škole eMPIRICOM.

Broj:  
Tuzla, 15.11.2023. godine

PREDSJEDNIK  
SENATA VISOKE ŠKOLE eMPIRICOM  

---

mr.sci. Muhdin Mujačić, dipl.ing.el.

